

# JUD

## Jud Mij Tikak

<sup>1</sup> Yad Jud, Jisas Klays nop wog giñeb ne midebin. Jemis nimam ne ak midebin. Mij ñu kil tikebin anib awl, nibop binib God ne ke suk agil aglup okok, tikil ñebin. Bapi God nibop mapen lakniñ, Jisas Klays nibop kod midtep gup. <sup>2</sup> God nibop mapen niñid, mapen lek awl ginimun, midtep yibil ginimib.

*Bi oginap kili God takaw agobun agil pen yepis apal*

*(2 Pita 2.1-18)*

<sup>3</sup> Binib mapen yad okok. Nibop mij tikinig, God chinop tig asik dup takaw ak aginim agil gos nepin ak pen, miñil nepin, takaw olap sek mideb nibop aginigebin. God binib ne midobun okok, chinop takaw tep ne ak pisnep agñub. Pisnep agñub ak pen, binib oginap takaw anib ak dil tig adikil, takaw adek oginap ke agenigel, chin kilop niñijsek lil aginigun. <sup>4</sup> God bilel agak, Binib anib ak tek ginigabal okok, kilop ag gil yul awl yibil ñinigayn agak. Binib God nop anigil gi timel gipal okok, oginap kimigel apil nib ayip jimñil midebim. God chinop yimug niñid gitep gup ak pen, kili anib ak tig adikil, tap si tap timel okok monmon yibil gipal. Pen kili Biawl chin nokom yibil Jisas Klays nop kud ñil keligipal.

---

**1:1** Mat 13.55, Mak 6.3, Jon 17.11-12, 1 Pi 1.5      **1:2** 1 Pi 1.2, 2 Pi 1.2      **1:3** Plp 1.27, 1 Ti 1.18, 6.12, 2 Ti 1.13, Tat 1.4      **1:4** Gal 2.4, Tat 1.16, Hib 12.15, 2 Pi 2.1, 1 Jo 2.22

5 Bilel tap gak ak nepim ak pen, tepayan aginigebin. Biawl binib ne Yislel kili Yijip yelak nin ak, kilop tig asik dad apek, Yijip keligil owlak. Kidek pen oginap nop gos ma linigilak okok kilop, paklek kumilak. 6 Pen ensel timel oginap, nibi nigim. Ensel anib okok wog ned midtep gilak ak pen, tep kili yelak ak keligilak. Keligil, Biawl ne nag kiles timel pel pelnep mideb ak dil kilop nag lil, dam kisilim nab ayan yokak. Yokek, kili God kot awl ginigab nin ak kod midebal. 7 Pen taun Sodom sek taun Gomola sek, man wulep anib okok midupsek, kilop gak ak gos sawl ma ginimib. Kili anigil gi timel gil, bin si bi si gi dad amil keke timel yibil gilak. Gelak, Biawl ne binib anib okok midupsek mab ke yineb ayan diyokek, pel pelnep yul awl dinigabal. Tap timel gilak anib okok, nibi nigtep gil, anigil ma ginimib.

8 God kilop anigak ak pen, bi wisin ninid takaw yepis agnibal anib okok, nab kili ak ke tap gach gi timel gil, Biawl takaw ak keligil, ensel kiles timel okok kilop agjupal. 9 Pen Mosis kumak nin ak, Satan ayip, ensel awl yibil Maykel ayip, Mosis chip takil ak dinig penpen agilek. Penpen agilek ak pen, Maykel ne Satan nop ma agjuwak. Mel yibil. Pen anib agak, Biawl ne ke nep ag ginimun agak. 10 Maykel nigtep gil anib agak. Bi agobun anib okok pen, tap titay dil mideb agil ma nepal okok monmon agjupal. Anib ak tek ak, gos timud kili

---

**1:5** Kis 12.51, Nam 14.29-30, Sng 106.26, 1 Ko 10.5, 10.9, Hib 3.17-19, 2 Pi 1.12    **1:6** Jon 8.44, 2 Pi 2.4, 2.9, Lep 20.10    **1:7** Stt 19.1-24, 2 Pi 2.6, 2.10    **1:8** Kis 22.28, 2 Pi 2.10    **1:9** Lo 34.6, Dan 10.13, 10.21, 12.1, Sek 3.2, 2 Pi 2.11-12, Lep 21.7    **1:10** 2 Pi 2.12

ak ke pal ak pal ak midil, chen ladek chag ladek okok gos kili midebal tek midebal. Pen tap timel yibil adek ak gebal ak, kilop ke gi timel yibil geb.

<sup>11</sup> Kilop ke gi timel yibil ginigab. Bi Kein ne ned gak tek gipal. Pen chip kabem, mani tap okok nep gos nepal ak, bi Balam bilel gi timel gak tek gipal. Bi Kola ne God takaw tibilikak tek gipal, anib ak pisnep apyap pakil abal.

<sup>12</sup> Pen nibi God nop mapen lilig penpen mapen lilig, tap jimnil nininig apnan gipim nin ak, kili God nop gos ma ninid, yokip apil monmon gipal. Gos kili ke nepal. Anib ak kili wisip ak yigen dil dad okok nib okok nib gil, apil sub widin yu gup tek midebal. Pen kili mab ninib midup ma pulup tek ak midebal. Mab milep gek, jij abe tig ju diyokipal tek midebal. Anigel, kawnan nab kili ayan pisnep kumub. <sup>13</sup> Kili ninig solwala pag apil, tap dayday okok nib okok nib dap yokup tek midebal. Pen tap timel gipal anib okok neben kilop ma gup. Gap pogilin olap pugjuwil okok nib okok nib gup tek midebal. Anigel, God tep kilop kisilim owup migan olap gilek, kili amil anib migan ayan pel pelnep yenigabal.

<sup>14</sup> Bi Adam jij ne tikak ak, tik dad amel, Yinok nop nim kugul ak tikilak. God ne Yinok nop gos nek, binib tap timel gilak anib okok kilop ninid anigil agak, Nigim. Biawl ensel ne nin juwil kunay yibil nep dad apil, <sup>15</sup> binib okok midupsek ninid

**1:11** Stt 4.3-8, Nam 16.1-35, 22.1-35, 2 Pi 2.15, 1 Jo 3.12     **1:12** Ese 34.8, Mat 15.13, 1 Ko 11.21, Epe 4.14, 2 Pi 2.13, 2.17, Lep 2.11, 20.14

**1:13** Ais 57.20, Plp 3.19, 2 Pi 2.17     **1:14** Stt 5.18-24, Lo 33.2, Dan 7.10, Sek 14.5, Mat 25.31, 2 Te 1.7, Lep 1.7     **1:15** Sng 31.18, 94.4, Mal 3.13

bilokinigab agak. Binib kili nop kud ñil kidek ma gil, tap si tap timel adek keke gil, nop takaw kiles timel adek keke agil gipal ak, kilop ag gil yul awl yibil ak ñinigab agak. <sup>16</sup> Bi agobun anib okok, pel pomil agilig, takaw dilig gipal. Gos kili adek ak ke niñid, tap timel gup adek anib ak monmon gel amub. Kili ke suk agilig, yib kili ak ke dad aplanibal. Pen bi anib okok, kili takaw ñig lil, chinop kidek gilañ agil apal.

*Nibi Klays nop gos linigem, nibop kiles ñinigab*

<sup>17</sup> Pen binib mapen yad okok. Biawl chin Jisas Klays, bine takaw nop dad ameb okok, kili takaw ned agilak ak, tap kidek ownigab agilak okok gos ak nigilig yenimib. <sup>18</sup> Nibop anigil agilak, Ñin kidek ak ownigab ñin ak, bi agjuwep okok yenigabal agilak. Gos timel kili ke nepal tek gilig, God nop kidek ma ginigabal agilak. <sup>19</sup> Bi timel agobun anib okok, Klays binib ne okok kilop tig asik keke lipal. Gos kili lum awl tap ak niñid kidek gun agil gil, God Kawnan ne ak ayip ma midebal.

<sup>20</sup> Pen binib mapen yad okok. God nibop gek nop gos linepim tek, nop chig tep gil yonigun agil, gem amnimun. Pen God Kawnan ne ak nibop gos ñakniñ, nop agilig yenimib. <sup>21</sup> God nibop mapen lup tek, nibi God nop gos nigilig midem, nibop mapen yibil lilig yonimun. Pen Biawl chin Jisas Klays, ne ayip yonigun agil kod midem, nibop mapen nigek ne ayip pel pelnep yenigabim.

---

**1:16** Snd 28.21, Jem 2.1, 2.9, 2 Pi 2.10, 2.18    **1:17** 2 Pi 3.2    **1:18**  
 1 Ti 4.1, 2 Ti 3.1, 2 Pi 2.1, 3.3    **1:19** Hos 4.14, 1 Ko 2.14-15, Hib  
 10.25, Jem 3.15    **1:20** Lom 8.26, Epe 6.18, Kol 2.7, 1 Te 5.11, 1 Ti  
 1.4    **1:21** Tat 2.13, 2 Pi 3.12

22 Binib gos omiñal nepal, gos teplep kilop won ak nab yowup okok, kilop mapen niñid kod yenimib.

23 Oginap mab miñilan adek ak amnigel tek lup agil, kilop kasek tig asik dem kim amnigel. Oginap mapen niñid dinimib ak pen, midupmidup pig jup tek gipal ak, chin abe ginigun tek lup agil, nigtep gil yenimib. Bi anib okok kili midupsek gach sek midebal, walij tap kili abe gach sek mideb. Pen gach kili gipal okok asik tep ginimib.

*God yib nop ak dad aplanigun*

24 God nibop kiles ñil kod midakniñ, apyap pakinimun tek ma mideb. Ne nibop dad amil, man teplep ne alan dam lek yenigabim. Pen tap titimel oginap nab nibi ayan ma yenigab, binib teplep nokom yenigabim. Minek minek miñmiñ tep yibil ginigabim. 25 God kunay ma mideb, nokom olap mideb. Ne biawl chin Jisas Klays nop agyokek apil gek, chinop tig asik dup tek, yib nop ak dad aplanigun. Ne biawl yibil midil kiles ne dil, binib okok midupsek kod midil, tap okok midupsek abe kod yonimun. Ne bilel anigil yoligup. Miñil anib ak nep mideb. Kidek abe pel pelnep anigil yenigab. Yaw.

---

1:23 Amo 4.11, Sek 3.2-5, Lom 11.14, 1 Ko 3.15, Lep 3.4      1:24  
Lom 16.25, Epe 3.20, Plp 1.10, Kol 1.22, 2 Pi 3.14      1:25 Lom 16.27,  
1 Ti 1.17, 2.3, 2 Pi 3.18

## **Jisas Klays Takaw Teplep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 22 Feb 2024 from source files dated 29 Jan 2022

24d09cce-9a93-523a-afa5-7b091c264cee